

Aallaqqaasiut:

Neqerooruteqartitsisarnermut Maalaaruteqartarfik sanaartornermi neqerooruteqartitsisarneq pillugu Inatsisartut inatsisaanni nr. 11-mi, 2. december 2009-meersumi § 26 naapertorlugu 1. juli 2010-mi pilersinneqassaaq. Maalaaruteqartarfik siulittaasoqassaaq sulianillu ilisimasalinnik marlunnik ilaasortaqaassalluni.

Neqerooruteqartitsisarnermut Maalaaruteqartarfiup neqerooruteqartarnermut inatsit aammalu neqerooruteqartarnermut inatsit naapertorlugu maleruagassiorneqartut unioqqutinneqarsimanersut pillugu maalaarutit apeqqutillu suliarisassavai.

Neqerooruteqartitsisarnermut Maalaaruteqartarfimmi ilaasortat:

Siulittaasoq: Thomas Trier Hansen (Kalaallit Nunaanni Eqqartuussivimmi eqqartuussisoq)
Jimmy Bøgh Veitland: siulittaasumut sinniisissaq (Kalaallit Nunaanni Eqqartuussivimmi pisortap tullia)

Ilaasortat sulianik ilisimasallit marluk:

Svend Erik Danielsen (EMJ Grønland A/S-ip siulersuisuini siulittaasoq) aamma
Thorkil G. Olsen (civilingeniør, INUPLAN A/S)

Sinniisissat:

Michael Mørch (ingeniøri siunnersuisartooq aamma Spangenberg og Madsen Ingeniørit
Siunnersuisartut ApS-imi piginneqataasoq)
Timo M. Abrahamsen (Nuuk Entreprenøren A/S-imi piginnittoq)
Gerth B. Lyngø (NUSUKA-mi siulittaasoq)
Niels H. Vallentin (civilingeniør, Rambøll Grønland A/S)

Maalaaruteqarnissamut ilitsersuut:

Neqerooruteqartarnermut inatsimmi aalajangersakkanik, aammalu maleruagassanik taanna naapertorlugu suliarineqarsimasunik unioqqutitsinerit pillugit maalaarutit allaganngorlugit uunga nassiunneqartassapput:

Neqerooruteqartitsisarnermut Maalaaruteqartarfik, Allattoqarfik, Postboks 909, 3900 Nuuk imaluunniit iaan@nanoq.gl, imatut nalunaaqutserlugu: Neqerooruteqartitsisarnermut Maalaaruteqartarfik, Allattoqarfik.

Kikkut maalaaruteqarsinnaappat:

Kikkulluunniit inatsisinut tunngatillugu soqutigisaqartut
Unammilleqatigiinnermik Nakkutilliisoqarfik
Suleqatigiiffiit pisortanilu oqartussaasut, Naalakkersuisunit maalaaruteqarnissamut pisinnaatinneqartut

Suliat suliarineqarnerminni 100.000 koruunit inorlugit naleqartut Neqerooruteqartitsisarnermut Maalaaruteqartarfimmit suliarineqarsinnaangillat.

Kingusinnerpaamik maalaarutip Maalaaruteqartarfimmut tunniunneqarneranut peqatigitillugu maalaaruteqartup suliakkiisoq unioqqutitsinerit isigineqartoq pillugu allakkatigut ilisimatissavaa, aammalu maalaarutip Maalaaruteqartarfimmut tunniunneqarnera pillugu nalunaaruteqarfigissallugu.

Neqerooruteqartitsinerup inernera neqerooruteqartumut nalunaarutigineqarneraniit sapaatit

akunnerisa sisamat qaangiunnerini maalaarut Maalaaruteqartarfimmut tunniunneqassaaq.

Kikkut maalaarutigineqarsinnaappat:

Neqerooruteqartarnermut inatsit malillugu neqerooruteqartitsinermi inatsimmi aalajangersakkanik, imaluunniit inatsit naapertorlugu maleruagassiaasimasunik unioqqutitsisoqarsimasoq isumaqaraanni maalaaruteqartoqarsinnaavoq.

Qanoq iliorluni maalaaruteqartoqassava:

Allakkatigut maalaarummik Neqerooruteqartitsisarnermut Maalaaruteqartarfimmut nassiussinikkut maalaaruteqartoqassaaq. Maalaarut allakkatigut Neqerooruteqartitsisarnermut Maalaaruteqartarfik, Allattoqarfik, Postboks 909, 3900 Nuuk-mut imaluunniit mail-ikkut, iaan@nanoq.gl-imut, imatut nalunaaqutserlugu: Neqerooruteqartitsisarnermut Maalaaruteqartarfik, Allattoqarfik, nassiunneqarsinnaavoq.

Akiliut

Maalaarummik nassiussinermi suliap suliarineqarnerata 1 %-ia akiliutitut akilerneqassaaq, taannali annerpaamik 100.000 koruuniussaaq. Maalaaruteqarnermut akiliut erngerluni akilerneqanngippat, Maalaaruteqartarfimmi siulittaasoq maalaaruteqarnermut akiliutip akilerneqarnissaanut piffissaliissaaq. Piffissaliussaq malinneqanngippat, maalaarut itigartinneqassaaq.

Piffissaq suliarinniffiusoq

Maalaaruteqartarfiup aalajangiineri sapinngisamik suliap Maalaaruteqartarfimmut suliakkiissutigineqarneraniit qaammatit pingasut qaangiunnerini naammassineqarsimasassapput.

Tamanut ammasumik saqqummiisarneq

Maalaaruteqartarfiup aalajangiineri pineqartut kinaassusii isertuullugit www.nanoq.gl aamma www.udbud.gl aqqutigalugit tamanut ammasumik saqqummiunneqartassapput.

Oqaatsit

Pisariaqartillugu nutserisussanik atugassiisoqarsinnaavoq.